



17210


I Mag. St. Dr. P

Mourzynski Ioan: Epithalamium in nuptias J. Th. Thomas de Lamosis etc. a. 1620.

PANEG. et VITAE

Polon. 42

N. 1232.



EPITHALAMIUM,
IN NUPTIAS,

ILLVSTRIVM

T H O M Æ
D E Z A M O S C I O

Palatini Kiouieñ, Knysz-
neñ, &c. Præfecti.

E T

C A T H A R I N Æ
Ducissæ ab Ostrog ALE-

XANDRI Ducis Ostrogæ olim
Palat. Wołyniæ, &c. Filæ.



Authore

I O A N N E M R V C Z Y N S K I

Z A M O S C I
In Typogr. Acad. Zamosc. Anno D. 1620.

REPITHALIVM
VINIVM

THOMAS
DE AMOSIO
Patrii Rectoris Rectoris

CATHARINA
D. I. 1721

1721 II



EPITHALAMIUM.

Vnde noua Aonijs sonuerunt Orgia lucis?
Cui resides Erato numeros, desuetâq; dudum
Plectra paras? videntur ut liquidas se prapes in au-
Altior exultans pernici Pegasus ala (ras
Tollat, & ingenti praeuertat nubila cursu?
Ecce comam Praen hederis & virgine lauro
Nexus Hyanteas vocat ad solennia Diuas,
Stant hilares circum digitis, & voce sonantes
Dulce Dea, letumq; melos, & carmina miscent:
Quas inter cinctus redolenti tempora myrto
Plaudit Hymen nitido pretendens gaudia vultu,
Et tremulo gressu thyasos orditur ouantes.
Ist comes Idalio veniens è colle Dione,
Vecta iugo volucrum, teneri moderantur amores
Aurea lora Dea, tensq; volatilis arcu
Exultat, blandosq; puer face ventilat ignes.
At Charitum cœtus, pulchroq; Thalassius ore,
Flexanimum ducunt festos Hymenæon ad ignes
Hymen, ô Hymenæe, Hymen, Hymenæe sonantes.
Nosco diem, causamq; chori, te clare Zamosci,

Te canit iste chorus, tibi dant noua iubila montes
Pegasei, tibi rite fauet Charis, atq; Dionæ,
Et Musæ, & Pallas posita seu mitior hasta
Respirat, seu fulmineo quatit ægida vultu
Serta tibi neçtit nullis abolenda diebus.
En tibi grata ferunt alacres modulamina Musæ
Paci, & armorum dignas testantia laudes,
Et celebrant leto felices omine tædas,
Phœbea resonante chely Peana canorum.
Ipse tibi uberiùs Permessi voluitur amnis,
Uberiùsq; suas arbor Daphneia frondes
Explicat, & viridem prætendit vatibus umbram.
I faustis precor ominibus, quò numina ducunt,
Aspirètq; tibi cursus fortuna secundos.
Clangite ductilibus lituis, sonet ænea longè
Buccina, non tali fremitu quo Martia vellunt
Signa tubæ, sed festino modulamine raucum
Temperet horrorem, strepitumq; perosa minacem
Leniùs inflexo resonet noua gaudia flatu
Clangorem alternans, placidòq; retinniat ære
Latitiæ dulces acuens in pectore motus.
Tundite tympana clarisono strepitantia pulsu,
Tundite latifico pulsu, non aspera quali

Arma

Arma oient tonitru, cum seui in puluere campi
Sanguinea Bellona manu ferit horrida late
Vulnera fatali telorum in nube coruscans;
Sed quali Venus alma sono, dulcisq; Cupido,
Et chorea gaudent, & leti gaudia plausus;
Latitiaeq; dator Bromius, lusúsq; iociq;
Et festiuus Hymen & lato Gratia vultu.
Vos quoq; Phœbei quibus est facundia plectri,
Quos chelys, & cythara modulantia fila canora,
Organa quos, cantúsq; inuāt, quibus arte benigna
Seu fidibus resonare dedit, seu voce Thalia
Huc omnes conferte sonos, date carmina festis
Digna thoris, celebrate diem concentibus istum,
Argutumq; melos hilari depromite cantu,
Omnia letitia resonent, plausuq; frequenti
Hymen o Hymenæe Hymen Hymenæe sonate.
Scande citus fidum alipedem, quo Martia nuper
Bella capessentem te ripa binominis Istri
Vidit, & infestæ Nomadum videre phalanges
Exhortantem acies, cuneosq; in bella mouentem,
Et circumfusi versantem in turbine Martis,
In medio Getici fremitus, diráq; procella,
Alipedem cui gemmarum stellata corymbis

Frons

Frons micat, & concha Cythereidos igne superba
Fert caput, auratq; micant holo serica limbo.
Qui quasi delicias animo presagus heriles
Concipientis, mira quadam dulcedine tactus
Gestit, & aërias feriens hinnitibus auras
Plaudentes per colla comas quatit, aëra captat,
Sternutat crebrum, caput huc obiectat & illuc
Frena ferox mandens, & mollia crura superbis
Gressibus attollens terram pede pulsat abeno,
Aure micans, latèq; hilari per singula visu
Dum charum vestigat herum, vix dura ferocem
Frena domant, vix assuetis retinetur habenis
Exultans animis, pulchròq; horrore decorus.
Qualis Amyclea quondam frenatus habena
Cyllarus, aurateq; iuba cervicis Arion
Notus, & Hæmonia sonipes Chirone magistro
Per iuga magnanimi qui frena momordit alumni.
Ecce tibi liquido fugientibus æthere nimbis
Purius emicuit pulsa caligine calum,
Aura silet, venti ponunt, placidissima cali
Temperies, vernusq; tepor mitem aëra mulcet,
Arridentq; tuis clementia sydera votis.
En flos Sarmatia clarissima lumina Regni

Circumstant proceres, latisq; fauoribus adsunt
Gratanturq; tibi, multo & comitantur honore
Ad tua felici gradientem sydere vota,
Belligeraq; acies Rhodopeis agmine longo
Effulgent in equis vestita murice & auro,
Et peditum late cunei, turmaq; frequentes
Et populi plausus, ac omina lata sequuntur.
Ipse tibi vitreo sinuosi gurgitis amne
Herbiferos colles, & pinguia culta pererrans
Rusriadum late fluminis regnator aquarum
Sannus, & undosis applaudunt Naiades antris,
Et Dryadum chorus, ac agiles per prata Napeæ,
Et formosa iugis exultat Orcas in altis.
Ergo age semidei soboles Herois in altos
Fer gressum muros, quâ Faroslauiam moles
Turrigeras pandens calo se attollit aperto,
Magnorum domus Heroum, clariq; Penates.
Hic tibi muneribus Diuum desponsa benignis
Te manet Ostrogia claro sata principe virgo
Magnanimum genus Heroum Catharina venusto
Ore nitens, tibi se cultu preduite compsit,
Casariemq; tibi per eburnea colla fluentem
Diffudit, per colla quibus candentia cedunt

Germina Sidonio collecta in littore bacca
Sythoniaeq; niues, & rosida lilia prati,
Electri fulgore nitens coma nubilat aurum,
Marmoreaq; manus vincunt candore ligustra.
Aspice sydereis certantia lumina flammis,
Non sic in fuluo radiat carbunculus auro.
Aspice virgineos vultus, ac amula vernis
Ora rosis, mistoq; genas candore rubentes,
Atq; corallinos vincentia labra colores.
Talis ab Eois ubi mane cubilibus exit
Pandit purpureos rutilans aurora colores:
Aut ubi perfusus pelago Cythereius ignis
Laxauit roseis gemmantia lora quadrigis.
O te felicem cui talia munere Diuum
Gaudia contingunt, cuius felicia vota
Ipse secundauit iusto Deus æquus amore.
Verum dignus eras tam claro munere Diuum
Et cui tam dextra fauit clementia sortis
Seu generis decora alta tui, notissima mundo
Nomina, & illustres atanos seu dicere laudes
Virtutesq; tuas libeat, præclarâq; facta,
Iamq; immensa mea pandit sese orbita Musæ,
Et latum ostentat Clio pulcherrima callem.

Sed mihi si totos Helicon simul influat amnes
Omnis & Orphei contingat gloria plectri,
Non ego te digno sperarim attollere cantu
Belligeri stirps Herois, qui summus in armis
Lechiaca gentis ductor, tot fortibus auxit
Hanc patriam late, collustravitq; trophæis;
Ut quamcunq; oculis circum lustraveris oram
Factorum illius decora immortalia cernas.
Nam siue Arctos Helices glacialis ad axes
Lumina conuertas, Rypheis inclyta regnis
Virtutis monimenta sua, tot diruta cernes
Mœnia, tot validas vrbes, arcésq; subactas,
Et late hostilis congestos stragis acervos,
Infamiq; procul pulsum formidine Moschum
Vsq; ad torpentes glacialis Tethyos undas,
Atq; suo ductu Regis iuga ferre coactum
Magnanimi, quem iam partus virtutibus aether
Sustinet, & merito virtus Stephanomate cingit
Heroum cœtus inter manesq; piorum.
Illum etiam Suecus, Liuôq; agnouit in armis
Inuidum, tot fuscæ acies, tot funditus arces,
Equataq; solo disiectis manibus vrbes,
Captiuq; duces, & bellica signa sacratis

Testantur suspensa tholis, Mauortia domus
Quâq; dies medius patet, & quâ Balchida late
Fluctibus occiduis se porrigit Amphitrite,
Consilij Martisq; sui vestigia clarent.
Seu quis ad Eoos conuertat lumina tractus,
Hippophagos Nomadas gelida Maotide septos
Perdomuit, toties fudit, victorq; rapacem
Reppulit à patrijs grassantem finibus hostem
Inclutus armorum ductor, quo sospite nunquam
Podolios impune Scythas equitasse per agros
Vidimus, aut Thracè per Dacica regna superbos
Armorum sonitus admotâq; bella minantem.
Quid Dacû edomitû? quid Transylvanica regna,
Miltaniq; iugum memorem, partosq; triumphos
Hostibus è cunctis quicumq; laceffere ferro
Hanc patriam voluere suo, qua prospera cunq;
Signa tulit, quemcunq; acies contorsit in hostem
Armipotens, quocunq; solo tentoria fixit,
Illius iustis semper Deus adfuit armis,
Successusq; dedit latos, & fortia Magni (nullo
Castra Ducis, modò cade rubens, modò sanguine
Sparsa sequebatur nitidis Victoria pennis,
Et decor, & lato reuirescens gloria vultu:

Illius

Illius excubijs medio velut equore tuta
Incubat Halcyone pullis, ita patria dulcis
Bellorum in medio circúmque strepentibus armis
Tuta fuit nullis unquam fœdata procellis:
Non Scythicus Boreas, non horridus obfuit Eurus,
Non tristes nostris immisit floribus Austros.
Nec solum dubijs patria ceu Sydus amicum
Affulsit rebus, creperiq; pericula Martis
Depulit, & motos extinxit sæpe tumultus,
Quantus io quantúsq; domi cùm bella quierunt,
Lætáq; pacatis fulserunt otia rebus,
Quantum consilio pollens linguaq; disertá
Nestoreum placido fudit de pectore nectar (qui
Haud quaquam mortale sonans? quàm iuris & æ-
Quàm fidus legum, libertatisq; patronus?
Quot grauius sanctéq; domi consulta reliquit,
Festantur leges quarum non futilis author
Extitit, ille etiam patriæ memorabile pignus
Palladium legum, libertatisq; sacrauit
Præclarum Regni puteal, sanctúmque Tribunal.
Publicus assertor Themidos, Suadeq; medulla,
Musarúmque decus, quas ille & nube sub ipsa
Armorum & pace excoluit non deside cura.

Nil veris affingo bonis, quid singula fando
Persequar? Iönios citius numeravero fluctus
Cum fera nimbofa tumuit sub Pleiade Tethys
Fluctibus hybernis & Nerea plangit Orion
Aut quot in illustri scintillant sidera celo
Dum plenos Hecate vultus expandit Olympo.
Quid veterum decora Heroum, memorandaq; gesta?
Quid bellacis aui laudes, qui Lechica ductor
Arma gubernavit sacri pars magna Senatus
Exiguus stringam numeris, properanteq; Musa?
Nam tibi non solum genitor, quem Marte, togáq;
Nostra parem vidit priscis Heroibus etas
Dux erat armorum, sed avus quoq; Martis habenas
Rexit, & arctoo bellorum Ductor in orbe
Inclytus, insignes Rypheo ex hoste triumphos
Rettulit, unde tibi fatorum munere raro
Contigit, ut fieres (generis quæ gloria maior?)
Filius atq; nepos Ductorum bellipotentum,
Inclyta quos virtus, & Martis adorea claros
Fecit, & aterna decoravit nomine fame.
Quid si Tarnovia libeat nunc dicere gentis
Insignes titulos, & auita pignora laudis,
Maternum genus unde tibi, proavusq; Polone
Supremus

Supremus Dux militia, princepsq; Senatus
Deficiam tanto penitus sub pondere rerum
Et frustra Icaris contendam in nubila pennis.
Illius aeternae monumenta perennia fama
Non modo Ryphaeis prerupta in collibus arces
In planum effusa, disiectisq; oppida muris
Moschorumq; acies caesa, testantur, & atrox
Victus saepe Getes, Obertiniq; fluenta
Sanguine Dacorum multo & manantia tabo
Insignita diu nostris in secula fastis.
Sed procul & Libya Maurorum caede cruenta
Littora, & occiduis ambustus solibus Atlas.
Verum hunc & patrij quondam per carmina vates
Et Regni annales auro cecinere priori,
Aeternumq; sonat viuacis buccina fame
Herculeas ultra Gades, Calpenq; remotam.
Sed tu non sola maiorum laude tumescens
Fumosos iactas titulos inglorius haeres,
Pulchrius esse putas propria virtute nitere,
Et cumulare tuis maiorum nomina factis.
Te sacro à teneris aluerunt nectare Muse,
Et cum lacte suos irrorauere liquores,
Ipse suas artes, sua munera latus Apollo
Indulsi,

Indulſit, nudúmque amota Gorgone peſtus
Exhibuit Pallas, propriosque afflauit honores.
Hæc te Socraticos, & quos Academia quondam
Stoâque Cecropijs monitus de fontibus hauſit
Erudiſt, cælique uias, elementaque mundi,
Æternasque dedit natura noſcere leges,
Et numeros, rerumque modos Megarensis alumni,
Et quæcunq; latent ſtudiorum in cyclade ſancta
Palladio peplo turba uelata prophana.
Hæc eadem Graios, Romanorumque triumphos
Monſtrauit tenero, ſeniúmque retexuit æui.
Tum decus eloquij mira dulcedine manans
Inſeruit linguaque dedit pollere diſerta.
Mox tibi florentes prima lanugine malas
Ærata cinxit galca, longæque remotis
Pectora delicijs rigidis circumdedit armis.
Hæc tibi ſint artes magnaque exordia laudis
Dixit, in hoc acuat ſe puluere uiuida uirtus
Ad veterum decus Heroum, magnosque paratus
Macte animo iuuenis, te magna parentis imago
Excitet, ad duros pulchra pro laude labores,
Æternumque decus, uiridem tibi gloria palmam
Spondet, & æternos præſto largitur honores.

En

En te bella vocant, sauiq; pericula Martis:
Cingelatus ferro, teretem cape feruidus hastam
Et bellacis equi feriens calcaribus armos,
I patria laturus opem, signa infer in hostem
Ocyus, ipse in te patrium reuirefcere Martem
Barbarus agnoscat framea nutritus & arcu.
Ecce vocat cupidis te lata Podolia votis,
Rusfigenaeq; vrbes, Dnepriq; è gurgite Triton
Ad tua iam letos attollit classica plausus,
Et populi mulcent hilares noua gaudia mentes.
I felix patrijsq; nouum decus adde trophæis.
Martius hic tibi campus adest, hac area laudis
Panditur, hoc virtus Heroum tramite duro
Tendit ad optatos fama immortalis honores.
Ergo vbi bellorum toties flagrante tumultu
Pro patria duris adeundo pericula rebus
Inclyta duxiffes sub fortibus agmina signis
Bellatorum equitum nimbos, turmasq; pedestres
Sumptibus ipse tuis patria pro finibus ora.
Cùmq; tui pulchrum specimen iam lata videret
Martis, & insignes peperit quas bellica virtus
Primitias decoris deterfo puluere belli,
Exutùmq; sago Regni ad sublime Tribunal

Inq;

Inq; illustre forum charum pia duxit alumnus,
Atq; hoc officio functurum iudicis equi
Tradidit Astræ comiti, quæ pectus amore
Iustitia flagrans æquato iura bilance
Tractare erudijt, instoq; examine causas
Pensantem recti patrias libramine leges.
Hinc aulam atq; tui penetraſti limina Regis
Splendidus & latè insigni fulgens comitatu
Splendidior longè meritis & fortibus actis
Dignas primitias, partæq; ingentia laudis
Argumenta ferens fama sacrata perenni.
Ipse tuis Rex auspicijs felicibus, atq;
Indolis eximia decori, captisq; benignus
Pectore te grato, meritq; excepit honore,
Atq; animum patriæ subijt virtutis imago.
Mox publicos regni cætus legatus adisti,
Municipum votis ubi sancto more parentum
Concilium summis regni de rebus habetur,
Consultatq; omnis cum Nobilitate Senatus:
Hic animi vigor, & sollers in rebus agendis
Dexteritas, & cana tua prudentia mentis
Ætate in viridi, primq; in flore iuventa
Fulsit ut illustri quodam spectata teatro:

Cumq;

Cumq; domi armorum ritus, & munia pacis
Et patrias leges iam te pernosse videret,
Tum demum externas gentes, peregrinaq; regna,
Atq; alio longe populos sub sole iacentes,
Et mores hominum multorum iussit & urbes
Cernere te varias, comitante fidelius ipsa
Quam comitata fuit cursus errantis Ulyssis
Meonijs celebres fidibus, grandiq; cothurno.
Inde domum sospes multa cum laude reuertens
Non tua trivisti sub inertis tempora luxu
Deditus illecebris, nec desidis otia vite
Mollia sectatus; sed seu feralis Enyo
Infremuit bello, seu pax affulsit amana,
Te castra intrepidum bello, te curia pace
Vidit consilio patres aequare verendos
Maturis virides superantem laudibus annos.
Hinc ut magnanimi sequeris vestigia patris,
Sic te Rex meritis inuictus honoribus ornat,
Atq; magistratus summos, & munera confert
Delectos inter proceres regniq; Senatum.
Verum haec Dijs cordi fuerint, qui numine dextro
Votaq; successusq; tuos, & facta gubernent.

C

Nunc

Nunc age flauentes hederâ subnexa capillos
Dic Erato iucunda melos, Hymenaiâ prome
Jubila, dum festos thalamis ineuntibus ignes
Ecce quatit vultu ridens Erycina sereno,
Et iucundus Hymen vocat ad noua gaudia sp̄sum.
Hymen ô Hymenæe Hymen Hymenæe canamus.
Jam dudum in calo Veneris fax aurea, pulcher
Hesperus effulsit, p̄erq; alta palatia latè
Accensa micuère faces, fulgore corusco
Auratas iacente comas, quid gaudia differs?
Hymen ô Hymenæe Hymen ades ô Hymenæe.
Iam nox alta silet, iam prono Cynthia vultu,
Altâq; sopito conuiuent sidera mundo, (phus
Jam choreæ cessant: iam pronuba, iam paranym-
Ad thalami auratis iuueni penetralia velis
Formosam ducunt sponsam, quid gaudia differs?
Hymen ô Hymenæe Hymen ades ô Hymenæe.
Hespere te iuuenis votis ardentibus optans
Tedia pertasus remorantis longa diei
Ingemuit tardum calo decedere solem.
Non illum aut hilares oblectauere choreæ,
Dulcis & harmonico resonans modulatio cantu
Mellifluâ cupidam flexit dulcedine mentem,

Non

*Non Bromij latites, non dulci sermo lepore:
Ille sed in thara defixus virgine vultus
Pectore flexanimos iam tunc meditatus amores
Anxia sollicito ducens suspiria corde
Pectore te toto, te tota mente cupiuit.
Hymen, ô Hymenæe Hymen ades ô Hymenæe.
Pallidulis quid virgo genis confessa pauorem
Mastula demittens pudibundo lumina vultu
Nescio quid tecum tacito sub corde volutas?
Pone metum nihil hic animo tibi triste recurset.
En præstans animi iuuenis florente iuuenta
Sponsus adest, tibi calicola quem numine fausto
In sacra legitimo iunxerunt fœdera ritu.
Ille tui dulci mentem deuinctus amore
Te cupit, & pulchris defixus vultibus hæret
Te solam exoptans, tibi soli deditus vni,
Omnes ut tecum feliciter exigat annos,
Atq; illum pulchra facies tu prole parentem.
Hymen ô Hymenæe Hymen ades ô Hymenæe.
Sicut in apricis generosa fertilis vua
Collibus adiunctus frondentem palmes ad vlmum,
Agricola studiosi operâ, cultûq; frequenti,
Nectaricos profert fœcunda vite racemos:*

Sic

Sic tu illi dulces solatia mutua natos,
 Et iucunda feres numerosa gaudia prolis.
 Hymen ô Hymenæe Hymen ades ô Hymenæe.
 O tibi tum quali mentem rapientia flamma
 Gaudia mulcebunt totos dulcedine sensus,
 Cum Zamosciades, spes, & nova gloria patris,
 Spes generis tanti, spatiosâ parvulus aulâ
 Ludet, & arridens teneras tibi blandulus vlnas
 Tendet, in amplexus & in oscula dulcia currens,
 Blanditusq; patri formoso bellulus ore,
 Mille voluptates, & gaudia mille refundet.
 Hymen ô Hymenæe Hymen ades ô Hymenæe.
 Illi tu, aurato pictas subtegmine cunas
 Et Tyrio sternens paruum studiosa cubile
 Murice, blandicias dices, & dulce iocanti
 Naniola mitem suadebis inire soporem
 Fasciola teneros innexo molliter artus.
 Hymen ô Hymenæe Hymen ades ô Hymenæe.
 Viuite felices, Deus hæc connubia faustis
 Prosperet auguriis, cui vincla iugalia cura.
 Annuat ipse Deus, videatis, ut omine leto,
 Et natos natorum, & qui nascentur ab illis.
 Hymen ô Hymenæe Hymen ades ô Hymenæe.

— SACRIS —

BIBLIOTH. UNIV.



JAGELLONICÆ



